

МАМЛАКАТИМИЗДА

• Ўзбекистон Республикаси Олий Мажлиси Сенати Кенгашининг мажлиси бўлиб ўтди. Кенгаш Ўзбекистон Республикаси Олий Мажлиси Сенатининг ўн тўққизинчи ялпи мажлисини шу йил 28 август куни Тошкент шаҳрида чақириш тўғрисида қарор қабул қилди.

• Ўзбекистон Республикаси Марказий банки, Ўзбекистон банклари ассоциацияси ва Ўзбекистон Савдо-саноат палатаси ҳамкорлигида Наманганда ўтказилган «Омонатлар ва кредитлар» мавзусидаги кўргазмали семинар вилоят банкларининг ютуқ ва тажрибаларини омалаштиришга бағишланди.

• Бағдод туманида Мустақиллигимизнинг 18 йиллигини муносиб кутиб олишга қизгин тайёргарлик кўрилмоқда. Айни пайтда тумандаги Чўринди, Чувалачи, Мурувват, Ултарма қишлоқларида янги гузарлар фойдаланишга топширилди, туман қишлоқларида 8,1 километрлик ичимлик суви ҳамда 8,4 километрлик газ қувурлари тортилди. Шунингдек, ҳозирда 10 гектарга яқин майдонни эгаллаган деҳқон бозорининг қурилиши яқунланмоқда.

• Данғара туманидаги Нурафшон қишлоғида «Тожиқон-нур» хусусий корхонаси иш бошлади. Бу ерда пахта толасидан сифатли матолар тайёрланиб, трикотаж маҳсулотлари ишлаб чиқариш йўлга қўйилди. Ҳозирда корхонада импорт ўрнини босувчи арзон ва сифатли эркалар шимлари ишлаб чиқарилмоқда. Яқин кунларда яна беш турдаги янги маҳсулотлар харидорларга тухфа этилади. Корхонада 23 нафар қишлоқ ёшлари иш билан таъминланди.

• Йирик ишлаб чиқариш корхоналари ва муҳим аҳамиятга молик объектларда содир бўладиган ёнгинларни бартараф этишга мўлжалланган кўпikli ёнгин ўчириш хизматидаги ишлар бошқармаси Ёнгин хавфсизлиги бошқармаси бошлиғи Дилшод Пўлатов муаллифлигида яратилган «УПГ-4000» деб номланган мазкур қурилма нефть ва газни қайта ишлаш корхоналаридаги 10 минг ва 20 минг кубометр ҳажмдаги нефть маҳсулотлари сақланадиган резервуарларда содир бўладиган ёнгинларни ўчиришга мўлжалланган.

ЖАҲОНДА

• Эронда 30 йиллик танаффусдан сўнг Вазирлар Маҳкамасининг янги таркибидан уч нафар аёл ўрин оладиган бўлди. Бу ҳақда мамлакат Президенти Махмуд Аҳмадинажот маълум қилди. Мутахассисларнинг фикрича, президент мамлакатда рўй берган кескин норозиликлардан сўнг шу йўл билан ўз ўрнини мустақамламоқчи.

• Жанубий Корея ва АҚШ ҳарбийларининг ҳамкорликда машқлар ўтказиши муносабати билан КХДР армияси юқори жанговар ҳолатга келтирилди.

• Ҳиндистоннинг Мумбай шаҳри маъмурияти А/Н1Н1 вируси ҳудудда кенг тарқалаётгани боис мактабларни бир ҳафтага, кинотеатрларни эса уч кунга ёпди.

• Кеча Подмосковьенинг Жуковский аэродромида «Макс-2009» халқаро авиасалони олдидан ўтказилаётган машқ парвозлари чоғида осмонда ногаҳон икки самолётнинг тўқнашиб кетиши натижасида «Рус витязлари» учувчилар гуруҳининг раҳбари ўз самолётини аҳоли турар жойларидан нарига қўндириш чоғида ҳаётдан қўз юмди. Иккинчи самолётнинг дала ҳовлиларга қулаши натижасида эса тўртта уй вайрон бўлди, беш киши куйиш тан жароҳатларини олди. Ҳозирда махсус комиссия томонидан текширув ишлари олиб борилмоқда.

• Кеча Украинанинг Донецк вилоятида жойлашган юз тонна пиротехника воситалари сақланаётган иккита омборда портлаш рўй берган ва ёнгин чиққан. Ут ўчирувчилар олти соат давомида ёнгин билан курашиб, уни жиловлашга муваффақ бўлишди. Маълумотларга кўра, ёнгин натижасида омбор қоровули жароҳатланган.

• Кеча Японияда Рихтер шкаласи бўйича 6,7 балли зилзила содир бўлди. Ушбу ер силкиниши натижасида енгил цунамининг юзга келганлиги кузатилди.

• Афғонистоннинг собиқ президенти Бурхониддин Раббонийга толибон жангарилари томонидан суиқасд уюштирилди. Жангарилар Раббоний кетаётган кортежга қуроли ҳужум уюштиришган. Бироқ Раббоний ҳам, унинг кўриқчилари ҳам жабрланишмади. Аксинча, ҳужум пайтида жангарилардан уч нафари отиб ўлдирилди.

ТОШКЕНТ

ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 161 (11.472)

Баҳоси эркин нархда




«Мустақиллик биз учун — ўзликимизни англаш, юрт тинчлиги ва барқарорлигининг, инсон манфаати, эркинлиги ва фаровонлигининг, биз кўзлаган демократик жамият барпо этишининг гаровидир»

ПОЙТАХТНИНГ

БИР КУНИ

Шаҳрим — фаҳрим



Ўзбекистон истиқлолни қўлга киритгандан кейин мустақил давлатга хос барча мақомларга эга бўлди. Ой-юлдузли байроғимиз, Ҳумо рамзи акс этган давлат гербимиз, миллий валютамиз, мадҳиямиз, Конституциямиз, оламга кўз-кўз қилишга арзуғулик пойтахтимиз бор. Яна бир ютуғимиз — ўзликни англашдек олий қадриятимиз кўнгиллардан жой олди. Мустақиллигимиз меъмори Президент Ислам Каримов азалий қадриятларимиз халқ мулкига айланиши учун ҳормай-толмай фаолият кўрсатмоқда.

ВАТАН ВА МИЛЛАТ ТИМСОЛИ



Зотан, ўзликни англамаган халқ чин хурриятнинг қадрига етмайди. Буюк давлат қуришга бел боғлаган мамлакат, аввало, буюк ўтмишдан озиқланиши керак. Табиатнинг қонуни шундай: чинорнинг баравж гуркираши учун томирлар теран бўлиши лозим.

Бир қарашда, миллий қадрият тушунчаси инсон ақлаковати, онгу тафаккури билан чамбарчас боғлиқ бўлганлиги учун аниқ моддий кўринишда ифодаланмайди, деб ўйлаймиз. Аслида, истиқлолимиз рамзига айланган ҳар бир иншоотда ўз қадриятимиз мўжасам. Тошкентимизнинг кўркем хиёбонларида қад ростлаган улғувор ҳайкаллар, миллатимиз қудратини акс эттирувчи бинолардаги битта гишт ҳам буюк ўтмишимизни, бугунги саодатимизни, эртанги келажагимизни намойиш этиб турибди.

Ўзликимизни англаш учун миллатнинг гурур ва ифтихор рамзига айланган асл қадриятларидан бири Амир Темури даҳосидир. Ўз даврида Турон мулкининг салтанати соҳибига айланган бу зот қудратли давлат тузиб, миллатни бирлаштириш борасида тарихий миссияни адо этган. Бугунги суҳбатимизда Амир Темури яратган хазинага, буюк меросга турфа қарашларнинг нигоҳи орқали баҳо бермоқчимиз. Шундай қилсак, тарихнинг муҳим мезони — ҳолислик, адолат дастури бўлиб қолади.

Яқинда бир дўстим таклиф билан келди. Эртага юртимизга хориждан бир ватандошимиз келар экан. Шу меҳмонни бирга кутиб олайлик, ҳар ҳолда журналист хамроҳлик қилса суҳбатимиз яхши қовушади, деган фикр

борибди. Дўстим билан аэропорга чиқдик. Бизга ватандош бўлган меҳмон Ўзбекистонга илк бор келиши экан. Машинага ўтиргач хорижлик меҳмон шундай деди: «Биродарлар, мени тўғри Амир Темури хиёбонига олиб борсаларинг, қолган гапни ўша ерда гаплашаварамиз». «Авал меҳмонхонага жойлашиб, чой-пой ичсак», деган таклифимиз рад этилди. «Ахир мен бу кунни неча йил кутдим. Амир Темури бобомизни зиёрат қилмасдан ҳеч қаёққа бормаيمان».

Меҳмоннинг гапи қонун. Қўл ўтмасдан пойтахтимиз марказида жойлашган Амир Темури хиёбонига, шу маскандаги Сохибқирон ҳайкали олдига етиб келдик.

Барҳаёт сиймо

Амир Темури хиёбонидамиз. Пишқириб кишнаётган отнинг кўзлари қия тушиб турган офтоб нурида чўғдай ёнарди. Санъат асарининг табиат ҳодисасига бунчалар уйғунлашиб кетиши кишини ҳайратга солади. От устида атрофга, балки бу ёруғ жаҳонга назар ташлаб турган сохибқирон пойида меҳмоннинг илк айтган сўзи, «Етказганига шукр», деган калом бўлди. Гўё унинг бошқа армони йўқдай. Ажабо, деярли ҳар кунни шу ҳайкал ёнидан ўтиб қайтамиз. Баъзан кундалик ташвишлар билан бўлиб унчалик эътибор ҳам қилмаймиз. Буни қарангки, ер юзининг олис-олис пучмоқларида яшаётган инсонлар шу хиёбонга талпиниб нафас олишаркан. Ҳозир-

гидек вужудни энтиктирувчи мулоқотга етганлар бор, етмаганлар бор.

— Эҳ, бугун қандай саодатга эришдим, — дея сўз бошлади меҳмон юз-кўзлари завққа тўлиб. — Амир Темури дунёда буюк халоскор сифатида эъзозлашади. XV асрдаёқ унинг шаънига Европада ҳайкал ўрнатилган. Хали собиқ иттифоқда сохибқиронни Темуриланг деб, зулм ва истилочилик пешвосига айлантиришганида Франция, Буюк Британия, Италия, Испания, Германия, Ҳиндистон, Туркия, Покистон, Эрон, Миср каби мамлакатларда «Темури тузуқлари» олимлар томонидан тадқиқ этилган.

Биз ҳам меҳмонга ўз билганларимизни гапириб бердик. Ўзбекистон мустақилликка эришгандан сўнг давлатимизнинг биринчи Президенти Ислам Каримов ташаббуси билан Амир Темури қадрияти юксак поғонага кўтарилгани, 1996 йилда сохибқироннинг 660 йиллик тантаналари нишонлангани боис буюк бобомиз ҳақида анча-мунча маълумотларни ўзимиз учун кашф этганимизни айтдик.

— Ўзбекистон, Тошкент номлари бугунги кунда бутун дунёда янграмоқда, — дея гурунгни давом эттирди меҳмон. — Эшитишимча, юртимиз пойтахтининг 2200 йиллиги байрамига қизгин тайёргарлик ишлари бошланиб кетди. Шундай қўхли ва гўзал шаҳар мени ниҳоятда мафтун этди.

(Давоми 2-бетда).

ҚИСҚА САТРЛАРДА

Тошкент шаҳар ҳокимлигининг Ахборот хизмати ва ўз муҳбирларимиз хабарларидан.

✓ **БУГУН** Тошкент маиший хизмат кўрсатиш касб-хунара коллежининг Ахборот-ресурс марказида юртимиз Истиқлолининг 18 йиллигига бағишлаб уюштирилган маънавий-маърифий тадбир ва концерт дастури «Ўзбекистон — гўзал дийёрим» деб номланди.

✓ **АЗИМ** пойтахтимизнинг 2200 йиллигига бағишлаб Миробод туманидаги Фафур Фулом номли маданият уйида «Пойтахтим — фаҳрим менинг» мавзусида бадий

ҳаваскорлик жамоалари тўгараклар, курслар раҳбарлари, қатнашчилари, ёшлар иштирокида маънавий-маърифий тадбир ва концерт дастури ўтказилди.

✓ **ШАҲРИМИЗДАГИ** Шароф Рашидов номли маҳаллада 8-16 ёшли ўсмирлар ўртасида футбол, стол тенниси, волейбол бўйича туман маданият ва спорт ишлари бўлими ташаббуси билан «Тошкент — спорт шаҳри» шiori доирасида уюштирилган мусобақалар азим пойтахтимизнинг 2200 йиллигига бағишланди.

